



" AL-QURAN PEGANGAN UMAT ISLAM "

الْحَمْدُ لِلَّهِ الَّذِي بَعَثَ فِي الْأُمِّيِّينَ رَسُولًا
وَأَنْزَلَ مَعَهُ الْكِتَابَ بِالْحَقِّ بِشِيرًا وَنَذِيرًا
وَهَدَى لِلنَّاسِ إِلَى صِرَاطٍ مُسْتَقِيمٍ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ



تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ.

Sidang Jumaat Yang Dirahmati Allah,

Marilah kita bertaqwa kepada Allah dengan melaksanakan segala perintah-Nya dan meninggalkan segala larangan-Nya. Mudah-mudahan kehidupan kita diberkati dan diberikan balasan yang baik daripada Allah SWT. Kita juga bersyukur ke hadrat Allah SWT. kerana telah dapat melaksanakan ibadah puasa di bulan Ramadhan yang diberkati ini.

Tajuk khutbah kita pada kali ini adalah "***Al-Quran Pegangan Umat Islam***".


Sidang Jumaat Yang Dirahmati Allah,

Al-Quran merupakan kitab Allah yang diturunkan kepada Rasul-Nya Muhammad s.a.w. , kitab yang paling lengkap dan sempurna, dijadikan pegangan umat manusia sepanjang zaman, tanpa mengira bangsa dan warna kulit, di mana jua mereka berada.

Turunnya al-Quran telah mengubah segala sistem yang bertunjangkan kesesatan jahiliah dan kekufuran, dengan nur Islam yang merupakan satu-satunya addin yang diredhai oleh Allah SWT.



Firman Allah SWT dalam surah al-Baqarah ayat 185:-

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ
وَبَيِّنَاتٍ مِّنَ الْهُدَىٰ وَالْفُرْقَانِ...


“(Masa yang diwajibkan kamu berpuasa itu ialah) bulan Ramadhan yang padanya diturunkan al-Quran, menjadi petunjuk bagi sekalian manusia, dan menjadi keterangan-keterangan yang menjelaskan petunjuk itu dan membezakan antara yang benar dengan yang salah”.

Alhamdulillah, saya percaya bahawa kita telah berjaya menjalankan program tadarus al-Quran, mudah-mudahan kita dapat mengkhatamkannya dengan sempurna.

Imam at-Tabari rahimahullah, menyatakan bahawa sebaik-baik perhatian hendaklah diberikan ke arah mendalami ilmu al-Quran, di mana pengetahuan tentang al-Quran itu boleh membawa kepada tercapainya matlamat hidup manusia.

Sidang Jumaat Yang Dirahmati Allah,

Umat Islam wajib menjadikan al-Quran sebagai pegangan hidup, menuju ke arah yang di redhai Allah SWT, kerana fungsi utama al-Quran adalah amat banyak, antaranya:-

1. Al-Quran mengeluarkan manusia daripada kesesatan kepada cahaya keimanan, dengan izin Allah SWT. Firman Allah SWT dalam surah Ibrahim ayat 1:-



الرَّ كِتَابٌ أَنْزَلْنَاهُ إِلَيْكَ لِتُخْرِجَ النَّاسَ مِنَ
الظُّلُمَاتِ إِلَى النُّورِ بِإِذْنِ رَبِّهِمْ إِلَى صِرَاطِ
الْعَزِيزِ الْحَمِيدِ ﴿١﴾

"Alif, Lam, Ra; (Kitab) al-Quran yang Kami telah turunkannya kepada engkau (wahai Muhammad), supaa engkau mengeluarkan umat manusia seluruhnya daripada kegelapan (kekufuran) kepada cahaya (keimanan) dengan izin Tuhan mereka ke jalan Allah yang Maha Perkasa Lagi Maha Terpuji".

2. Al-Quran adalah petunjuk ke jalan yang lurus, jalan yang diredhai Allah SWT dan membawa manusia kepada hidup bahagia di dunia dan juga di akhirat. Firman Allah SWT dalam surah al-Isra' ayat 9:-

إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ وَيُبَشِّرُ
الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ
أَجْرًا كَبِيرًا ﴿٩﴾

"Sesungguhnya al-Quran ini menunjuk kepada jalan yang lurus dan memberi berita gembira kepada orang-orang yang



beriman, yang mengerjakan amalan soleh bahawa bagi mereka ganjaran yang besar”.

3. Al quran juga pemberi penjelasan, petunjuk dan pembawa rahmat serta berita gembira kepada orang-orang Islam.

Firman Allah SWT dalam surah al-Nahl ayat 89:-

... وَنَزَّلْنَا عَلَيْكَ الْكِتَابَ تَبْيِينًا لِّكُلِّ شَيْءٍ
وَهُدًى وَرَحْمَةً وَبُشْرَىٰ لِلْمُسْلِمِينَ ﴿٨٩﴾

“...Dan kami turunkan kepadamu kitab al Quran sebagai penjelasan bagi tiap-tiap sesuatu dan sebagai petunjuk, rahmat dan berita gembira bagi orang-orang Islam”.

4. Al-Quran bertindak sebagai kitab yang membezakan antara hak dan batil.

Firman Allah SWT dalam surah al-Furqan ayat 1:-

تَبَارَكَ الَّذِي نَزَّلَ الْفُرْقَانَ عَلَىٰ عَبْدِهِ لِيَكُونَ
لِلْعَالَمِينَ نَذِيرًا ﴿١﴾



"Maha Berkat Tuhan yang menurunkan al Quran kepada hamba-Nya (Muhammad), untuk menjadi peringatan dan amaran bagi seluruh alam".

Keseluruhan fungsi tersebut terangkum dalam matlamat al-Quran untuk mengubah umat manusia ke arah mengabdikan diri sepenuhnya kepada Allah SWT.

Sidang Jumaat Yang Dirahmati Allah,

Al-Quran telah memberi penekanan serius terhadap beberapa aspek penting yang menyentuh kehidupan manusia, seperti aqidah, akhlak, kemasyarakatan, ekonomi dan siasah.

Aqidah adalah agenda utama yang ditegaskan oleh al-Quran untuk menjadi pegangan hidup kepada umat manusia. Al-Quran merupakan sumber aqidah yang menjelaskan hal-hal yang mesti dipercayai dan diyakini. Setiap orang wajib menerima penjelasan aqidah yang diutarakan oleh al-Quran, sebagaimana para sahabat Nabi s.a.w. menerima aqidah Islam tanpa sebarang keraguan, malah mereka telah membuktikan kebenaran aqidah yang diterjemahkan melalui pengorbanan jiwa dan harta benda mereka, demi mempertahankan agama Allah.

Dalam rangka mencorakkan minda pembaharuan, al-Quran mengajak umat manusia supaya mentauhidkan Allah SWT, menggunakan akal fikiran dan pemerhatian terhadap bukti-bukti keEsaan Allah SWT, serta menyekat segala unsur syirik yang boleh merosakan aqidah.

Dalam soal akhlak pula, sebahagian besar isi kandungan al-Quran memfokuskan kepada aspek yang mustahak ini, iaitu sifat mahmudah



seperti amanah, ikhlas, berdisiplin, kasih sayang, beradab sopan, pemurah dan sebagainya.

Al-Quran juga amat menekankan peri pentingnya hidup bermasyarakat yang melibatkan hubungan kekeluargaan, kejiranan, hubungan orang Islam dengan bukan muslim. Semua ini mempunyai hak masing-masing yang wajib disempurnakan.

Dalam bidang ekonomi pula, al-Quran memfokuskan kepada pengislahan sikap dan pandangan manusia terhadap harta kekayaan. Islam mengajak umat manusia berjimat cermat, mengelakkan aktiviti ekonomi daripada sumber yang batil (haram) di samping memberi perhatian yang besar terhadap kerjasama masyarakat dalam membangunkan ekonomi dan pembangunan umat manusia.

Dalam aspek siasah dan pentadbiran pula, al-Quran memainkan peranan yang penting dalam kehidupan manusia, malah ia banyak mempengaruhi aspek-aspek kehidupan yang lain. Al-Quran telah menggariskan 5 asas penting berkaitan dengannya, iaitu menjalankan pemerintahan berdasarkan syariah, menegakkan keadilan, mengamalkan konsep syura, mewujudkan kebebasan dan memastikan para pemimpin menjalankan tugas dengan jujur dan amanah.

Sidang Jumaat Yang Dirahmati Allah,

Al-Quran berperanan menjana minda qurani. Minda qurani merupakan minda yang mempunyai ciri-ciri seperti berikut:-



1. Keimanan

Meletakkan iman sebagai asas untuk berfikir. Segala apa yang difikir, direnungi dan diamati tidak terkeluar daripada kerangka keimanannya kepada Allah SWT, di mana proses berfikir dikira satu 'ubudiah terhadap Allah SWT.

2. Keilmuan

Al-Quran merupakan satu-satunya sumber ilmu berteraskan kebenaran. Segala apa yang terkandung di dalamnya adalah benar kerana ia merupakan kalam Allah. Al-Quran mengajak manusia menggunakan akal untuk mencapai ilmu-ilmu tersebut menerusi proses pembelajaran, pemerhatian, pengkajian dan sebagainya, supaya ilmu yang dicari boleh mendekatkan diri kepada Allah SWT.

3. Keseimbangan

Memfokuskan minda yang seimbang, tidak berat sebelah di mana keperluan duniawi dan ukhrawi mempunyai pertimbangannya dalam Islam. Keperluan rohani dan jasmani juga mengambil tempat yang sewajarnya dalam Islam tanpa sebarang pengabdian atau penafian kedudukan. Semuanya mendapat hak dan pertimbangan yang sewajarnya.



4. Kesesuaian dengan realiti

Berpijak kepada realiti kehidupan manusia di mana ia benar-benar menyentuh dan menjiwai kehidupan manusia. Ia bukan sesuatu yang bersifat khayalan atau sesuatu yang kabur dan tidak dapat difahami. Sebaliknya ia adalah minda yang bergerak aktif, selaras dengan realiti kehidupan manusia sama ada ia berkaitan dengan aspek aqidah, ibadat atau syariat.

Sidang Jumaat Yang Dirahmati Allah,

Oleh sebab al-Quran itu penting sebagai pedoman hidup, maka pastikanlah tidak ada mana-mana pihak memandang al-Quran secara negatif, seperti ajaran yang dibawa oleh Syed Mohd Al-Masyhur yang diwartakan sebagai ajaran sesat oleh Ahli Jawatankuasa Fatwa Negeri Selangor. Syed Mohd Al-Masyhur mengatakan bahawa al-Quran yang ada bukan al-Quran yang sebenar. Al-Quran yang sebenar ada dalam tubuh kita yang diberi nama NUR HAKIM. Al-Quran yang ada sekarang menjadi mansukh dengan NUR HAKIM. Demikian juga ajaran Qadyani mengatakan al-Quran sebenarnya berada di Luh Mahfuz. Tulisan al-Quran adalah ciptaan manusia, boleh membawanya tanpa wuduk. Tariqat Samaniah Imam Bonjol pula mendakwa al-Quran sebagai buku sejarah. Di samping itu, terdapat juga ajaran-ajaran sesat yang menokok tambah isi kandungan al-Quran.

Inilah antara cabaran kita sebagai umat Islam, bersatu untuk menangkis dakwaan ajaran sesat yang sedang mempengaruhi generasi kita. Marilah kita tingkatkan daya usaha untuk memastikan keluarga kita



bukan sahaja boleh membaca al-Quran dengan baik, tetapi mampu memahami isi kandungan dan mengamalkannya. Semoga al-Quran menjadi pegangan bagi kita dalam semua aspek kehidupan.

أَعُوذُ بِاللَّهِ مِنَ الشَّيْطَانِ الرَّجِيمِ
طه ﴿١﴾ مَا أَنْزَلْنَا عَلَيْكَ الْقُرْآنَ لِتَشْقَىٰ ﴿٢﴾ إِلَّا
تَذَكُّرًا لِّمَنْ تَخَشَىٰ ﴿٣﴾

"Ta, Ha. Kami tidak menurunkan al-Quran kepadamu untuk menyusahkanmu. Tetapi untuk menjadi peringatan bagi orang yang takut melanggar perintah Allah".

(surah Taha: ayat 1 – 3)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.



أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا
عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ
اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ
أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ
إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ بَعِينَ
عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ، جَلَالَةَ
مَلِكِنَا الْمُعْظَمِ سُلْطَانَ سَلَاعُورِ، سُلْطَانَ شَرَفِ الدِّينِ
ادريس شاه الحاج ابن المرحوم سُلْطَانَ صَلَاحِ الدِّينِ
عبد العزيز شاه الحاج.



اللَّهُمَّ أَدِّمِ الْعَوْنَ وَالْهُدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لَوْلِيَّ عَهْدِ سَلَاعُورِ، تَعَكُّو أَمِيرِ شَاهِ
إِبْنِ السُّلْطَانِ شَرَفُ الدِّينِ ادْرِيسِ شَاهِ الْحَاجِ فِي
أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا ذَا الْجَلَالِ
وَالْإِكْرَامِ. اللَّهُمَّ أَطِّلْ عُمْرَهُمَا مُصْلِحِينَ لِلْمُوظَّفِينَ
وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى
وَالرِّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebakikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.



Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.

Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ





فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.